

» erano insi (1) de fora, et è da saver che li libertini servi li quali
 » facevano li servisij erano capi de tutti li altri che giera deputadi,
 » que' a vogar gondole in ogni parte che li Dogi volesse andar, et
 » per far provision de alguna cosa con i tribuni. Et ancora con-
 » cede alli sorascritti libertini selve et vigne che li tegnisse in con-
 » zo (2) appartegnude al dogado zoè al palazzo si come a tutti li
 » altri tribuni appartegnivano e fosseno perpetual onor a questi de
 » aver o tegnirli ordinò che tutti quelli da Cavorle, da lido de
 » Pinedo Remondino, da Amfora de Piave, et tutti li diti, dovesse
 » contribuir secondo la so costitugion al dogado. Et per lo simile
 » costituì che tutti quelli che fossero servi, fosseno liberi veramen-
 » te, et ogni casa e massaria dovesseno portare et far portar carne,
 » vini, legne et altre cose allo dogado, come in el so capitolo ap-
 » par, zoè a capitolo . . . i quali me passo de dir per esser più
 » chiaramente messi in essi capituli. Ancora costituì che ogni homo
 » dovesse adur (5) tre fiade (4) all' anno al palazzo. Ancora costi-
 » tuì li dosi con tutti li so tribuni lo territorio de la Livenza, lo
 » quale era sempre tegnudo de tutto quello legname che fosse de
 » mestier al palazzo et nave . . . comanda ancora ogni lavorier
 » da campi et per simile costruì tre oselason (5) et a molti altri
 » costituì che li dovesse far altri servizi con barche et piatti (6)
 » ogni fiada che el Dose dovesse andar a visitar Caorle. Costituì
 » tutto quello dovesse far quelli de Jesulo . . . pagasse ognuno
 » una pelle de martoro et un mozo (7) de pigne all' anno et tutti
 » quelli che erano tegnudi de molti mistieri a li Tribuni et Dosi et
 » in tutto lo territorio de Piave dovesse vardar (8) gran moltitu-
 » dine de bestie dello dogado et li sorascitti era deputadi de andar
 » da lo lido de Vigo Novo et de la pignida fino a Caorle. Et allora
 » li sorascritti Dosi et tribuni feceno consuetudine a li libertini

(1) *Situati.*(2) *In lavoro.*(3) *Condurre.*(4) *Tre volte.*(5) *Uccellagioni.*(6) *Barche piatte, o forse peotte.*(7) *Un moggio.*(8) *Guardare, custodire.*